

宋詩紀事拾遺

彈山白署



李鴻球主編

世界集刊

彈山屈彊著

宋詩紀事拾遺

世界書局印行

宋詩紀事拾遺敘

紀事詩之編集昉於孟初中本事詩所錄篇章咸有故實其後計敏夫始創斷代之編輯爲唐詩紀事或附錄佚詩而不必隸事迨厲樊榭所爲宋詩紀事其例益廣哀輯亦富風氣所樹於斯爲盛踵而起者陸存齋有宋詩紀事補遺陳石遺有遼金元詩紀事陳松山有明詩紀事皆能博采羣籍錯綜條理歷代紀事之詩於焉大備惟四庫提要則譏樊榭多收無事之詩全如總集旁涉無詩之事竟類說家不知樊榭之旨愛護前賢精神竭力搜集之嘗歎宋人別集名公鉅手亦多散逸無存江湖林藪之士誰復發其幽光者蓋欲以詩存人以人存詩爲知人論世之助故提要雖有微辭而卒謂考有宋一代之詩者終以是爲淵海洵篤論也夫文人學士往往藉文字以寄其襟抱雕肝琢腎翼有所成就垂諸久遠然顯晦靡定歷數百年而姓字翳如幸者僅見傳於志乘隨筆之中而其文字工拙無由表見發潛闡幽非後生其誰與今有人焉敬仰前修窮年畢力求其遺箸偶獲一鱗一爪何忍遽棄尙稍變其例可資採撫宜從寬格以廣其求此人情之常也搜輯之業非博覽之士無能爲役又必不懷得失之志隨手掇拾寢饋攸久體察尤切歲月旣積乃自成編尙友古人若揖讓於斗室之內昔吾族祖秀埜公選元詩時嘗夢古衣冠羅拜牀前蓋與古人默契旣深

輒相感應非真靈爽之來謝實精神凝注故縈諸夢寐耳世丈屈伯剛先生博極羣書於訓詁詞章之外究心史地熟悉蒙事近廿年來曾託跡市廛既而掌教上庠逍遙物我之外翛然自得以其餘暇輯爲宋詩紀事拾遺一卷再補存齋之遺佚夫存齋當年集知名之士十有五人時值海宇晏安從容文翰各竭所藏乃成巨帙蒐羅之富可將原編採訪之徧宜無所漏今丈以一人之力拾遺補闕於板蕩之際其成就不更難哉龍昔里居謁丈於大井巷時承教益旣北游燕京音問稍疏及前歲旋滬適丈亦避兵海上得重把晤一日出此卷見示以龍從事圖書館檢書爲使命爲校補忽忽期年愧無所獲固以網羅未專益知丈用力之勤而拾遺之匪易想秉筆之日神馳往古必有如吾祖之所遇是輯雖不若前編之富要之窮搜篤好實不亞於厲陸諸子也謹書其端以告讀者中華民國三十二年九月八日吳縣顧廷龍

宋詩紀事拾遺目錄

補人

李元輔	段顯言	張賢良	李喬	王宗元	王舉元	韓標	陳述古
葛敏求	郭時亮	林顏	員逢原	劉泳	劉衍	張述	朱濟道
寇寶成	盧驥	張鈞	陸說	程	張天覺	陳孚	呂存中
何嶠	陳君章	許同	吳宗卿	燕谷	徐蕋	鄭昭先	陳昭嗣
李圖南	陳義和	張鎮初	修國鼎	趙希代	靳更生	趙發	邱濟
曾焘	潘德久	王國賓	李景武	趙汝棊	張景範	胡翼龍	彭元遜
王孟孫	蕭子範	文儀	常顛孫	常令孫	常棠	胡斗南	口慶清
率翁	失名						
易祓妻	賀羅姑						
自嚴	湘僧	齊己	之彝老	齊禪師	卍禪師	妙普	北澗

宋詩紀事拾遺

彈山屈彊撰

李元輔

江西廬陵人人名大辭典載宋真宗時王端寫御容於石壁未竟而卒令元輔畢之

題投龍潭

一片挂蒼崖分明不惹埃
蹙成珠顆白垂下玉繩來
野鷺飛難入山風捲不開
聲聲去朝海無意戀嘉隈

陳田夫南嶽總勝集

段顧言

弔沖退處士章管

按管字隱之雙流人博通經學尤長易太玄嘉祐中賜號沖退處士

尸解去難尋空留一鼎金
西州大隱沒北極少微沈

全上

張賢良

弔沖退處士章管

西海從來鎮大名忽聞蟬蛻棄
遐齡青城已結神仙侶
碧落俄沈處士星金鼎煉成真
汞藥玉堂傳授太玄

經平生是我深投分自愧無才與勒銘 全上

李喬

江蘇江陰人天聖二年進士官職方員外郎

定山虎跑泉和韻

虎邱巖畔識靈根股引瓊腴此處分品絕未應容易得地靈難使等閒聞聲寒夜雜林間籟氣潤朝隨谷口雲十和清篇盈麗軸強牽已句不成文 江上詩鈔

王宗元

慶曆皇祐間官衛尉寺丞

禮法門寺真身塔

衆生瞻窳塔迴向大覺身內顧六尺軀一雨無諸塵 陝西扶風縣石刻

按石刻自署慶曆戊子莫春廿九日衛尉寺丞琅邪王宗元題又一行題琅邪宗元與渤海遵禮贊皇宗古彭城舜卿汝南永錫同謁道者廣祕皇祐己丑清暑之朔

王舉元

字懿臣諡正獻化基子事蹟附宋史化基傳

○游柏谷山

晚出東郊迴路穿桑柘林人耕新雨地寺隱半巖陰遠目窮天宇和風爽醉襟停驂顧遺老同是勸農心

西長治縣石刻

按石刻自題嘉祐壬寅三月二十二日河東轉運使尙書兵部郎中王舉元

韓 標

都官員外郎通判軍州事

陪游柏谷山院奉命留題不敢牢讓

按和前詩

附驥游僧剎天清曉色開園林噴雨過殿閣踏雲來日轉花陰薄山深磴道迴危欄堪寫望隴麥翠如堆

上石刻

陳述古

字行之衛尉少卿

見王臨川集外制

按通鑑長編治平二年正月丙午降陝西都轉運使光祿卿陳述古爲少

府監知忻州此作云閏三月係治平四年碑題銜爲祕書監知軍府事則是年已移潞州

次韻遊柏谷寺

揚旌麥野從如雲訪古煙巖借此辰使節乍臨塵外境時光增麗嶺頭春已忻得聞重三月更擬揮戈駐二輪才德揆天多樂事風流丕變潞川人 山西長治縣石刻

葛敏求

字子明江陰人嘉祐六年進士官終司農寺丞神宗朝以能稱卒年五十按厲書有葛敏修敏求其兄也

定山虎跑泉和韻

幾年埋塞稱筠根虎識靈源爲剖分僻處舊應無客到遺蹤久不使人聞細穿幽竇聲投石猛出層巖冷暗雲賴有賢侯精鑿在圖經補緝得完文 江上詩鈔

郭時亮

字明仲提舉河東路常平等事

次韻奉和楊聖咨題李長者舊居

李氏當年著佛書此邦猶記舊居廬因公尋訪松生語不識何人爲守株 山西壽陽縣石刻

按原石自題紹聖二年十一月十二日

林 顏

江西福清人進士元祐四年知虔州

□□玉巖翁

□□飛電洒雙瞳□□縉茹瘦菘□□巖中無一事□來題作玉巖翁 餘姚邵啓賢贛石錄

□步玉巖翁

一童一鹿自相隨□爲山間笋蕨肥□盡榮枯彈指頃草痕青處認春歸 全上

員逢原

華陰人崇寧三年知壽陽縣

雪中游昭化縣謁唐李華嚴新賜號顯教妙嚴長者祠時雲靄蔽山不遂眺望特松雪可愛留二詩

于壁

一宿方山寺蕭然碧嶂環由來愛松雪終不厭雲山亂石風泉響疎鐘夜磬閑如何有羈絆未許謝人寰
招提隱層岑細路多曲折況茲節寒行石棧凍欲裂平生愛林藪不惜犯霜雪萬松變瓊姿點綴殊未歇巒

岫皓氳氳殿閣富皎潔濁醪屢濡唇安得暫頽頰伊昔有異人卜居此巖穴靈跡燦可考未易遽泯滅美女
不爲魔猛虎亦自竭遺骨蛻金瓊著論翼貝葉比緣守臣章天子念往哲恩潭賁口衍賜號良炳燁邑令何
與焉焚炷一頂謁永言垂無窮鬱興山茂葉 山西壽陽縣石刻

劉詠

字仲潛鳳臺縣進士

大陽成湯殿內芝草詩并序

成湯殿宇因重建功畢忽爾靈芝生於梁間口口並秀一葉特出雪瑩冰靜形清骨爽乃希世之
上瑞也議者以謂營葺之初衆材鳩集惟闕棟梁口人宋淵慨然捨施大愜衆心有感斯應特顯
虔誠是致嘉瑞奇異應誠而生泳獲觀休祥口而口成四韻以紀一時之盛事耳宣和二年歲次
庚子九月十一日

新構湯祠映碧成梁間瑞草表虔誠地同口口寒光潤氣稟元精素質清神爵五莖難比口建口三本未爲
榮烝民共喜嘉祥異和氣時臻口口平 山西大陽石刻

劉衍

老叟奉和枝孫仲潛佳作

重興古廟一新成推福昭然□□誠和氣繕調□歲稔嘉祥通化國風清共誇□□明時盛未算堯莫按月
榮不獨詩人讚功德奏□朝治賀昇平 全上石刻

張述

慈州假守

和唐刺史崔公壁間二絕

年來筋力覺潛衰自楚踰年復此移

□用鈴轄
□年移此

偶見舊題追古昔只□風月似當時

○春花凝露草凝煙認簡民淳屢有年每念舊山歸未得何妨於此醉林泉

按自題宣和三年辛丑歲季春初七日題

偶成

星星霜鬢已驚秋尙竊州符祇自羞官冗更無丞掾委

州官省罷事故去者五人
時暫差出者三員故云

誰哀老子得遨遊

後漢馬援嘗
爲隴西太守

諸曹時白外事掾輒曰此丞掾之任何足相煩頗
哀老子使得遨遊 以上均見吉州錦屏山石刻

朱濟道

宋詩紀事拾遺

宣和五年二月初九日偶書呈如公妙空禪師

二年催遣向東州見盡東州水石幽不把尋常費心眼靈巖消得少遲留

東州山水亦堪游及至靈巖分外幽會有定師能指示直須行到寶峯頭

縣靈巖
山石刻

魏濃定禪師乃觀音化身初居靈巖口神寶峯作釋迦佛象口有深旨山東長清

寇寶成

徐州人官吳縣主簿

題壁

黃葉西陂水漫流鐘條風急一扁舟夕陽暝色來千里人語雞聲共一邱

按中吳紀聞云石林居吳下一日至閶門外小寺中壁間有題一絕云云石林極愛之但不書其名

字因問寺僧云吳縣寇主簿所作今官滿去矣寇善作詩文從後山先生學其源流有所自來矣

盧驥

官侍郎按靖康間有吏部侍郎鄭盧襄疑是一人

題南嶽東林寺

秋山山脚一招提名與匡廬晉剎齊天地洗根飛敗葉雲霞留影落鳴溪野藤交塢縈牛角翠苗粘煙濕馬啼猶記採薇時節路柔桑鳴雉寺田西

南嶽總勝集

張鈞

官衡陽令

題南嶽高臺

萬仞孤高處煙雲縹渺間靈源聲不斷轍跡薜爛斑山鳥應無畏溪雲常自閑凭欄長縱目回首壓塵寰

陸訖

官轉運副使

題雲峯景德寺

紺宮清絕占奇峯迴在朱陵寶界東賞遍禪林歸馭晚禹溪斜日照丹楓

全上

程

知益州詩

堦頭畫對別堯莫細札芝泥襲綬馨三蜀舊臺呼輻寵十連新府夢刀靈雲梯霽日明鈎棧雨閣蒼苔蝕劍

銘只恐廉襦歌未厭
熒煌歸應六符星

四川通志

張天覺

字無盡

題護國寺

薄宦區區可歎嗟
寂寥寒館過村家
神錐豈向囊中出
寶劍聊憑醉後誇
就祿勉持毛義檄
讀書空滿惠生車
掩關不識青春好
一夜狂風已落花

全上

陳孚

寶應縣八寶亭

關河魚沸血流喜
見元符下楚州
宮壺明年翬翟掩
爲誰留得採桑鉤

寶應縣志

呂存中

過寶應湖

半生濁酒試尊羹
賤買魚蝦已厭烹
淺水依蒲有船過
淡煙籠日更人行

全上

何嶠

廬江人

濟源龍潭留題

龍心水之神水神龍之祕沈深大潭裏蟠蟄抗蛟類往來潭上人焉知蟄龍意

濟源縣志

陳君章

潁川人

題濟源龍潭

沈水出王屋至此重源發幽尋出郊原一潭清瑩骨何人名此潭謂有龍出沒我聞龍之靈變化在倏忽噓雲漲乾坤吸水撼溟渤如何比年旱田野赤兀兀五穀立死焦三農廢犂垆飢寒轉溝渠賦斂驅斧鉞高強益兼并孤苦困陁陁老幼相攜持流離去闕閔嗟嗟龍何爲縮角探入渥安視吾民憂隱忍甘拙訥若曰時未亨何日能興勃若曰才不充當避神靈窟無負天下心淵泉永埋汨 全上

許同

題嘉興白龍潭

呼吸湖中水山椒寄此身洞門風雨夜電火逐霜鱗

嘉興府志

吳宗卿

登狼山

狼山巍巍如虎踞雄鎮淮東作天柱大江日夜走山足萬古洪濤流不去五峯削出青芙蓉白雲隱見金銀宮下有九秋不涸如龜之靈壤上有千年不死化石之長松自從玉女去巖谷鬼神呵禁不許仙凡通我生家在江南住朝嵐夕翠恆相遇隔江唱斷小山詞但見一抹遙青浮水際仙姑洞真人臺洞門石壁封蒼苔寶塔亭亭聳霄漢云是當年海上之飛來神仙之說吾不省但覺松露侵衣冷野鶴巢邊山靄濃沙鷗起處江天迴興來掃石坐酌酒還吟詩舉杯一飲三千卮醉後把筆掃盡長江萬里之漣漪長江之水自東注狼山狼山不常會人生蹤跡等浮雲今夕來游偶然遂偶然遂其奈何便欲吾歌饒向狼山萬仞之嵯峨狼山不隨東逝波此詩長在不與山石同銷磨

江蘇通州志

燕谷

題恆清泉

泠泠石下泉日落見雲影對之不敢嘗恐使肝肺冷 全上

徐蕨